

Xi³ ti¹tjon² xon⁴ xi³ pa²stro⁴

Pablo qui³squi³-le⁴ Timoteo

Pablo si¹ti²nta³

1 An³ nia¹³ Pablo, pa²stro⁴-
le⁴ Jesucristo nca³ c⁷oa⁴s⁷in²
tsa³c⁷e¹ne²-na³ Ni³na¹ xi³
v²a³sje³ntjai²-na¹, cao⁴ Nai³-
na¹ Jesucristo xi³ ti³cho³ya²-le⁴².
2 Ti²cji³-le²³, ji³ Timoteo, ji³ xi³
ña³qui³ nti¹-na⁴, jo³-s⁷in² ma³cjain¹-
na¹. Ni³na¹ N⁷ai³-na¹ cao⁴ Cristo
Jesús Nai³-na¹ ca²ta³tsjоa¹-li²
cjoa⁴nta³, ca²ta³ma³ma⁴que³-li²,
ca²ta³si¹qui³njen³nch⁷an¹jin³
ni⁴ma⁴-li⁴.

Pablo v²e¹ne² nca³ tsi² tsa² cja⁴ai¹
cjoa⁴fa³⁷ai³tsjen³ coi⁴tsa⁴ya³
3 Jo³-s⁷in² tsa³c⁷e³ts⁷oa²³-le²³
c⁷ia⁴ nca³ quia³ ya⁴ Macedonia
nca³ tsa³qui³jnai³ ya⁴ Efeso, c⁷oa⁴-
s⁷in² v²e³ts⁷oa²³-le²³ nt¹ai⁴, jme¹-ni³
nca³ c⁷oe¹ne²-ni³lati⁴ xi³c⁷a³ nca³ tsi²
tsa² cja⁴ai¹-nca¹ cjoa⁴fa³⁷ai³tsjen³
coi⁴tsa⁴ya³. **4** Ni⁴si¹sin³-jin²le⁴ xi³ to⁴en¹,
ni⁴v²e¹xqui⁴-jin²le⁴ cho⁴ta⁴jchi¹nca³-
le⁴ xi³ tsi²coi³ fe³t⁷a³-le⁴. Je² cjoa⁴-vi⁴
v²e¹ntje² xi³ to⁴cjoa⁴cho³va²ya³ti³-
ni³. A³li²coi³ v²e¹ntje² cjoa⁴-le⁴ Ni³na¹
xi³ ts⁷e⁴ xi³ ma³cjain¹-na¹. **5** Coi³ xi³
me³-le⁴ cjoa⁴te¹xo³ma³-le⁴ Ni³na¹ nca³
tsjоa³cha³² cao⁴ ni⁴ma⁴-na¹ xi³ tsje³,

cao⁴ cjoa⁴fa³⁷ai³tsjen³nta³-na¹, cao⁴
nca³ ña³qui³ cjoa⁴qui²xi⁴ ma³cjain¹-
na¹. **6**Tjin¹ c⁷a³ xi³ tsa³qui³ncha³xin²-le⁴
coi³ cjoa⁴-vi⁴. Qui³t⁷a³-le⁴ en¹ xi³ tsi²
tsa² coi³ jme³ chji¹-le⁴. **7** Me³-le⁴ nca³
maestro-le⁴ cjoa⁴te¹xo³ma³ coan⁴,
to⁴nca³ li²coi³ ma³cho⁴ya³-le⁴, ni⁴
xi³ nchja⁴-jin², ni⁴ xi³ si¹qui²xi⁴ya³-
jin². **8**To⁴nca³ ?ya³-nia¹ nca³ je²
cjoa⁴te¹xo³ma³ cjai¹nca³ nta³ tjin¹, tsa²
cho⁴ta⁴ si⁴²chjen¹ jo³-s⁷in² va³quin²-
le⁴. **9**?ya³-nia¹ nca³ je² cjoa⁴te¹xo³ma³
ti¹jna³va³sen³ a³li² t⁷a³ts⁷e⁴ cho⁴ta⁴
xi³ tjin¹-le⁴ cjoa⁴qui²xi⁴, to⁴a³ts⁷e⁴
cho⁴ta⁴ xi³ ch⁷ao³ cjoan³, cao⁴ cho⁴ta⁴
xi³ ve³sin³ cjoa⁴-le⁴ Ni³na¹, cao⁴ xi³
si¹qui²aon³ n⁷ai³-le⁴ na⁴-le⁴, cao⁴ xi³
c⁷en³ si¹c⁷en³, **10** cao⁴ cho⁴ta⁴cha³jnqui³,
cao⁴ je² cho⁴ta⁴x⁷in⁴ xi³ ch⁷ao³s⁷in²
ma³tsjоa³que³ x⁷in⁴ xi³ncjin¹, cao⁴ xi³
si¹che¹ cho⁴ta⁴xi³ncjin¹, c⁷oa⁴ cao⁴
to⁴jme³-sa³ve⁴ cjoa⁴ xi³ co²ntran⁴-
le⁴ cjoa⁴fa³⁷ai³tsjen³ xi³ nta³ tjin¹.
11C⁷oa⁴tsa² je² en¹nta³ xi³ t⁷a³ts⁷e⁴
cjoa⁴je³ya³-le⁴ Ni³na¹ xi³ n⁷ion¹ nta³.
Coi³ en¹ xi³ qui³s⁷e³ne²-na³ nca³ an³.

**Jo³-s⁷in² nca³ si¹xa¹-
le⁴ Cristo je² Pablo**

12Tsjоa³-le⁴ cjoa⁴nta³ je² xi³
qui³tsjоa³-na³ nca³n⁷ion¹, Cristo

Jesús Nai³-na¹, nca⁴ c²oa⁴-
s²in² n²ion¹t²a³con³-na³ nca³
tsa³ca³se¹jna³-na³ je² xa¹-vi⁴.
13 Nca³s²a⁴ qui³nchja²oan³ Cristo,
qui³tjen⁴nqui³co²ntran⁴-le⁴, taon³
tsa³ve³, to⁴nca³ tsa³ve³ma⁴con³-
na³, nca⁴ tji¹chjoa² xcoan³ nca³
c²oa⁴qui³s²ian³, nca⁴ ts¹coi³
coan³cjain¹-na³. **14** To⁴nca³ je²
cjoa⁴nta³-le⁴ Nai³-na¹ cja¹nca³
coan³ncjin²ya³-na³ jo³-s²in²
nca³ ma³cjain¹-na³ jo³-s²in² nca³
tsjoa³que⁴ nca³ ti²jna⁴coa⁴ Cristo
Jesús. **15** Je² en¹-vi⁴ xi³ ña³qui³
c²oa⁴tjin¹, xi³ va³quin²-le⁴ nca³
chjo¹ve¹ nca³ts²ia³²: Cristo Jesús
ja³ai³ i⁴ son³nte³-vi⁴, ja³ai³
c²a³sje³ntjai² cho⁴ta⁴je¹. An³ nia¹³
xi³ cho⁴ta⁴je¹ti¹tjoan²³. **16** Coi³
cjoa⁴ tsa³ve³ma⁴con³-na³, jme¹-
ni³ nca³ c²oa⁴-s²in² Jesucristo
coa⁴co²ti¹tjon²-si¹ni³ t²a³ts²an⁴
nca³yi³je³ cjoa⁴ma⁴ta³con²-le⁴.
C²oa⁴-s²in² tsa³ca³co¹cho⁴ya³-le⁴
je² xi³ coan⁴cjain¹-le⁴ t²a³ts²e⁴
Cristo, jme¹-ni³ nca³s²e⁴-si¹ni³le⁴
cjoa⁴vi³jna³chon³ nca³ntsjai².
17 Je² Cho⁴ta⁴ti¹tjon² xi³
va³te¹xo³ma³ntsjai², xi³ ni⁴c²ia³-jin²
coi⁴ya², xi³ ts² tsa² ma³tsen³-
na¹, je² Ni³na¹ xi³ to⁴je² to⁴jnco³
Ni³na¹, ca²ta³s²e³-le⁴ cjoa⁴nc²a³ cao⁴
cjoa⁴je³ya³ nca³ntsjai² nca³ntsjai².
C²oa⁴ ca²ta³ma³. **18** Ji³ nti¹-na⁴,
Timoteo, je² cjoa⁴te¹xo³ma³-vi⁴
v²e³ne²³-le²³, jo³-s²in² to⁴nqui³-ni³
qui³s²e³ en¹ t²a³ts²i⁴ nca³s²a⁴, jme¹-
ni³ nca³ n²ion¹ nta³ coi⁴xcan³-sl¹ni³
xi³ to⁴t²a³ts²e⁴ cjoa⁴-vi⁴. **19** A³li²
ni²cha³jin³-jin² xi³ je³coan³cjain¹-li²
cao⁴ cjoa⁴fa³ai³tsjen³nta³-li⁴. Tjin¹
c²a³ xi³ tsa³cja³a¹xin²-le⁴ yao³-le⁴ je²
cjoa⁴fa³ai³tsjen³nta³-le⁴. C²oa⁴-s²in²

qui³si³cha³ xi³ je³coan³cjain¹-
le⁴. **20** C²oa⁴ cjoa³ Himeneo cao⁴
Alejandro, je² xi³ an³ qui³tsjoa³t²a³-
le⁴ Satanás, jme¹-ni³ nca³ cao⁴
cjoa⁴ñ²ain³ scoe⁴-ni³ nca³ tsi² ma³
no²cjoa⁴aon³.

2 C²oa⁴-s²in² v²e³ne²³ ti¹tjon²-
le⁴ nca³yi³je³ cjoa⁴ nca³ si⁴je¹,
c²oe¹ts²oa³², c²oe¹ts²oa³ntje², c²oe⁴²
cjoa⁴nta³ xi³ t²a³ts²e⁴ nca³ts²i³
cho⁴ta⁴, 2xi³ t²a³ts²e⁴ cho⁴ta⁴ti¹tjon²
cao⁴ nca³ts²i³ xi³ nc²a³ tjo¹,
jme¹-ni³ nca³ nch²an¹ coi⁴yo³-
si¹nia³², c²oa⁴ jme¹-ni³ nca³ to⁴jvi³
coa⁴nquin¹cao⁴-si¹nia³² yao³-na¹ nca³
jcha⁴xcoan¹ Ni³na¹ nca³ jcha⁴xcoan¹
cjoa⁴. **3** Je²-vi⁴ xi³ nta³ tjin¹, xi³
sa³sen¹-le⁴ Ni³na¹ xi³ v²a³sje³ntjai²-
na¹. **4** Je² me³-le⁴ nca³ nca³ts²i³
cho⁴ta⁴ coi⁴tjo³ntjai², c²oa⁴ nca³
coi⁴cho³nch²oe² xi³ cjoa⁴qui²xi⁴.
5 Jnco³ ma³-ni³ Ni³na¹, c²oa⁴-ti⁴ jnco³
ma³-ni³ xi³ chji⁴ne⁴en¹, Jesucristo
cho⁴ta⁴x²in⁴ xi³ si¹cjao²nta³ Ni³na¹
cao⁴ cho⁴ta⁴son³nte³. **6** Je² xi³
qui³tsjoa³ yao³-le⁴ jo³-ni³ chji¹-
le⁴ xi³ ts²a³c²e¹chji¹ntjai² nca³ts²i³.
Qui³ts²ai² en¹ xi³ t²a³ts²e⁴ je²-vi⁴
nca³ ji³cho² ni⁴chjin³ nca³ ts²a³ca⁴-
le⁴. **7** Xi³ t²a³ts²e⁴ je² cjoa⁴ an³
qui³si³ca³sen¹jna³-na³ nca³ nchja²ya³
nca³ pa²stro⁴ coan³. (Ña³qui³
cjoa⁴qui²xi⁴ xi³ xian³, a³li²coi³
cjoa⁴nti³so³). An³ va³co³ya²³-le⁴
cho⁴ta⁴ xi³ li² judío-jin² jo³-s²in²
ma³cjain¹-na¹ cao⁴ xi³ cjoa⁴qui²xi⁴.

Jo³-s²in² ma³chjen¹-le⁴ nca³ fi²cao⁴
yao³-le⁴ je² xi³ ya¹nchjin¹
8 Me³-na³ni³ nca³ nca³ts²i³
cho⁴ta⁴x²in⁴ c²oe⁴²ts²oa³ nca³qui³jnta²

?nte³, nca³ sco¹mi³nc²a³ ntsja³
 xi³ tsje³, nca³ tsi² tsa² jti³-le⁴,
 ni⁴ scan³-jin². ⁹C²oa⁴-ti⁴ je² xi³
 ya¹nchjin¹ ca²ta³v²a³cja¹ na³jño³
 xi³ nta³ xi³ va³quin²-le⁴. Ca²ta³s²e³
 i⁴tse¹-le⁴ cjoa⁴soa³ta³con² nca³
 nta³ ca²ta³fi²cao⁴ yao³-le⁴.
 A³li² to⁴se¹xcon¹-jin² v²e¹n²ion¹
 ntsja⁴jco⁴. A³li² taon⁴si³ne²-jin²,
 a³li² to³fa³nqui³chji¹-jin², a³li²
 ch^o1tji³chji¹-jin² si¹chjen¹. ¹⁰To⁴sa³
 ca²ta³s²in¹ xa¹ xi³ nta³, jo³-s²in²
 va³quin²-le⁴ ya¹nchjin¹ xi³ tso² nca³
 ve³xcon¹ Ni³na¹. ¹¹Je² xi³ ya¹nchjin¹
 to⁴jvi³ to⁴jvi³ ca²ta³co³t²a³ya³,
 na³nqui³ ca²ta³va³tio²-le⁴
 nca³yi³je³. ¹²Li²coi³ tsjao³ ?nte³ nca³
 ya¹nchjin¹ coi⁴tso⁴ya³-le⁴, ni⁴je²-
 jin² coa⁴te²xo³ma³-le⁴ cho⁴ta⁴x²in⁴,
 to⁴nca³ jyo¹ ca²ta³va³tio², ¹³nca⁴
 Adán ti¹tjon² qui³s²e³nta³, scan³ Eva.
¹⁴Adán li²coi³ qui³ch²a²na⁴cha⁴-le⁴,
 to⁴nca³ chjon⁴²-ve⁴ qui³ch²a²na⁴cha⁴-
 le⁴, ña³qui³ ts²a³ntjai²cjoa⁴-ni³.
¹⁵To⁴nca³ coi⁴tjo³ntjai²-ni¹
 nca³ s²e⁴-le⁴ xti³, tsa² ña³qui³
 c²oe¹jna³ntsja²cao⁴ xi³ ma³cjain¹-le⁴,
 nca³ tsjao³que³, nca³ tsje³, nca³ nta³
 fi²cao⁴ yao³-le⁴.

Cjoa⁴ xi³ ma³chjen¹-le⁴ je² xi³
si¹coi²nta⁴ na⁴xi⁴na³nta¹-le⁴ Cristo

3 Je² en¹-vi⁴ ña³qui³ c²oa⁴²tjin¹:
Tsa² jnco³ xi³ me³-le⁴ xa¹
 nca³ si⁴²coi²nta⁴ na⁴xi⁴na³nta¹-le⁴
 Cristo, cjai¹nca³ nta³ xa¹ xi³ me³-le⁴.
²Ma³chjen¹ nca³ je² xi³ si¹coi²nta⁴
 na⁴xi⁴na³nta¹-le⁴ Cristo a³li²jme³ je¹
 s²e³-le⁴. To⁴jnco³ chjon⁴² ca²ta³s²e³-
 le⁴. Cho⁴ta⁴to⁴jvi³ ca²ta³ma³, c²oa⁴
 cho⁴ta⁴i³nta³ta³con², c²oa⁴ cho⁴ta⁴
 xi³ nta³ si¹cho⁴ya³-le⁴ yao³-le⁴, xi³
 nta³ si¹sin³-le⁴ xi³ fa³ai³con³-le⁴, xi³

nta³ ma³-le⁴ va³co¹ya³. ³Ma³chjen¹
 nca³ tsi² si¹sin³-le¹ vino, nca³ tsi²
 v²e¹-le⁴ cho⁴ta⁴. A³li² cho⁴ta⁴chi⁴nca⁴-
 jin² ma³ t²a³ts²e⁴ tso³jmi², nca³
 to⁴cho⁴ta⁴n²e¹ ni¹, nca³ li²coi³
 cjoa⁴si³ si¹sin³, nca³ li²coi³ chi⁴nca⁴-
 le⁴ taon⁴. ⁴Ma³chjen¹ nca³ nta³
 va³te¹xo³ma³-le⁴ ni³ya³-le⁴, nca³ nta³
 v²e¹ne²-le⁴ xti³-le⁴ nca³ ña³qui³ nta³
 ca²ta³ve³xcon¹ cjoa⁴. ⁵(Je² xi³ tsi²
 tsa² ma³-le⁴ va³te¹xo³ma³ ni³ya³-le⁴,
 jo¹-s²in² si²coi²nta⁴ na⁴xi⁴na³nta¹-
 le⁴ Ni³na¹.) ⁶A³li² tsa² je²-jin² xi³
 to⁴s²a⁴coan³cjain¹-le⁴, jme¹-ni³ nca³
 tsi² sca⁴jin³-si¹ni³ xi³ ti⁴coi³-ni³
 cjoa⁴ñ²ain³ jo³-ni³ tsa² nai⁴², nca⁴
 nc²a³con³ coan⁴. ⁷C²oa⁴-ti⁴ ma³chjen¹
 nca³ xi³ cja⁴ai¹ cho⁴ta⁴ nta³ c²oa⁴sje³
 nca³ je², jme¹-ni³ nca³ tsi² tsa²
 sca⁴jin³-si¹ni³ cjoa⁴soa³ cao⁴ chen⁴-le⁴
 nai⁴².

Cjoa⁴ xi³ ma³chjen¹-le⁴ je² xi³
si¹sin³-le⁴ na⁴xi⁴na³nta¹-le⁴ Cristo

8 Ti⁴c²oa⁴-s²in²ni³ je² xi³ si¹sin³-le⁴
 na⁴xi⁴na³nta¹-le⁴ Cristo, tjin¹ne²-le⁴
 nca³ scoe⁴xcon¹ cjoa⁴, a³li² jao²jan²-
 jin² v²e¹⁴con³, a³li² to⁴xquia⁴ vi³-jin²
 vino, a³li² cho⁴ta⁴chi⁴nca⁴-jin²
 ma³ t²a³ts²e⁴ tso³jmi². ⁹C²oa⁴-
 s²in² ca²ta³s²e³-le⁴ je² cjoa⁴fa³ai³tsjen³
 xi³ tsje³. ¹⁰C²oa⁴-ti⁴ je² cho⁴ta⁴
 xi³ si¹sin³-le⁴ na⁴xi⁴na³nta¹-le⁴
 Cristo, ti¹tjon² ca²ta³cho²t²a³, c²ia⁴²
 ca²ta³si¹xa¹, tsa² tsi² tsa² jme³
 je¹ tjin¹-le⁴. ¹¹Ti⁴c²oa⁴-s²in²ni³ je²
 xi³ ya¹nchjin¹, tjin¹ne²-le⁴ nca³
 scoe⁴xcon¹ cjoa⁴, a³li² ch²ao³-jin²
 si¹c²a³xqui⁴ xi³ncjin¹. Cho⁴ta⁴ to⁴jvi³
 ca²ta³ma³, nta³ ca²ta³si¹cji³tjo³son²
 nca³yi³je³. ¹²Je² cho⁴ta⁴ xi³
 si¹sin³-le⁴ na⁴xi⁴na³nta¹-le⁴ Cristo

to⁴jnco³ chjon⁴² ca²ta³s²e³-le⁴. Nta³ ca²ta³va³te¹xo³ma³-le⁴ xti³-le⁴ cao⁴ ni³ya³-le⁴. ¹³Je² cho⁴ta⁴ xi³ n²ion¹ nta³ si¹sin³-le⁴ na⁴xi⁴na³nta¹-le⁴ Cristo, cjai¹nca³ nta³ nte³ sa⁴co²-le⁴, c²oa⁴ coan⁴n²ion¹con³, nca⁴ ma³cjain¹-le⁴ t²a³ts²e⁴ Cristo Jesús.

Je² cjoa⁴²ma³-ve³ jo³-s²in² ?ya³xcoan¹ Ni³na¹

¹⁴Je²-vi⁴ ti²cji³-le²³, nta³ tsa² ti²co³ya³ nca³ nti⁴ton⁴ cjo³cho³nch²oe²-le²³. ¹⁵Tsa² coan⁴tse³ya²-na³, ti²cji³-le²³ jme¹-ni³ nca³ jcha⁴-si¹ni³ jo³-s²in² nca³ ma³chjen¹-li² nca³ ?mi³coai⁴ yao³-li⁴ ya⁴ ni³ya³-le⁴ Ni³na¹ xi³ coi³ na⁴xi⁴na³nta¹-le⁴ Ni³na¹ xi³ ti¹jna³con³. Nca⁴ nco³ya³-le⁴ xja¹n²ion¹ ni¹, c²oa⁴ xja¹ja⁴ma⁴ xi³ tsjoa¹nca³n²ion¹-le⁴ xi³ cjoa⁴qui²xi⁴. ¹⁶Na³qui³ ?ya³² nca³ts²ia³² nca³ cjai¹nca³ to⁴je³ya³ je² cjoa⁴²ma³-ve⁴ jo³-s²in² ?ya³xcoan¹ Ni³na¹. Ni³na¹ tsa³ya³-le⁴ nca³ cho⁴ta⁴yao³ cjoan³ jo³-ni³ ña¹. Xi³ to⁴t²a³ts²e⁴ Espíritu Santo tsa³ya³-le⁴ nca³ tjin¹-le⁴ cjoa⁴qui²xi⁴. Tsa³ve³ je² a²ncje⁴-ve⁴. Qui³no²cjoa⁴ya³jin³-le⁴ nca³ts²i³ na⁴xi⁴na³nta¹. Xi³ i⁴ son³nte³-vi⁴ tjio¹ coan³cjain¹-le⁴ t²a³ts²e⁴. Qui³tjoe¹ nc²a³jmi³ cao⁴ cjoa⁴je³ya³.

S²e⁴ c²a³ xi³ to⁴xin² ntia⁴² coai⁴

4 To⁴nca³ je² Espíritu Santo nchja⁴tsen³-ni¹ nca³ je² ni⁴chjin³ xi³ nchoa¹, tjin¹ c²a³ xi³ to⁴xin² ntia⁴² coai⁴-le⁴ en¹ xi³ ma³cjain¹-na¹, cjo⁴nch²oe¹-le⁴ espíritu xi³ v²a³na⁴cha⁴-le⁴, cao⁴ cjoa⁴fa³ai³tsjen³-le⁴ nai⁴² xi³ nta³jin³. ²Jao² coai⁴-ni³ nca³ coi⁴nchja⁴ en¹nti³so³, nca³ xi¹jin³

cjoa⁴fa³ai³tsjen³-le⁴, jo³-ni³ xi³ qui³ti²jma²jon³. ³Li²coi³ tsjoa¹nt² nca³ coi⁴xan³ cho⁴ta⁴. C²oa⁴-s²in² c²oe⁴²ne² nca³ tsi² tsa² coan⁴ chi⁴ne⁴ tso³jmi² xi³ Ni³na¹ tsa³c²e¹nta³. Ni³na¹ tsa³c²e¹nta³ tso³jmi² jme¹-ni³ nca³ scoe¹-si¹ni³ je² xi³ nta³ fi²t²a³-le⁴ Ni³na¹ cao⁴ je² xi³ ve³ xi³ cjoa⁴qui²xi⁴, c²oa⁴ tsjoa¹ cjoa⁴nta³ nca³ scoe¹. ⁴Je² nca³yi³je³ xi³ Ni³na¹ tsa³c²e¹nta³ nta³-ni¹. Ni⁴to⁴jme³-jin² xi³ chja⁴a²xian². Coan⁴² chi⁴ne⁴² tsa² c²oe⁴² cjoa⁴nta³. ⁵Nca⁴ je² en¹-le⁴ Ni³na¹ cao⁴ xi³ v²e²ts²oa² si¹tsje³-ni³ tso³jmi²-ve⁴.

Cjoa⁴ xi³ ma³chjen¹-le⁴ jnco³ xi³ nta³ si¹xa¹-le⁴ Cristo

⁶Tsa² je² cjoa⁴-vi⁴ c²oa⁴c²oin¹-lai⁴ nts²e³², cjai¹nca³ nta³ si⁴xa¹-lai⁴ Jesucristo. Coan³jcha¹coai⁴ en¹ xi³ ma³cjain¹-na¹ cao⁴ xi³ nta³ cjoa⁴fa³ai³tsjen³ xi³ ji³cho²tjen⁴nqui³-lai⁴. ⁷To⁴nca³ je² xi³ to⁴xquia⁴ en¹ xi³ v²a³sje³nqui³ cjoa⁴-le⁴ Ni³na¹, xi³ tsi²jme³ chji¹-le⁴, ti⁴sen⁴xin²-lai⁴. Ch²a⁴sja³ nca³n²ion¹-li⁴ xi³ t²a³ts²e⁴ nca³ jcha⁴xcoin¹³ Ni³na¹. ⁸Je² nca³n²ion¹ xi³ v²a³sje³ yao³-na¹ to⁴choa³ chji¹-le⁴, to⁴nca³ c²ia⁴ nca³ ?ya³xcoan¹ Ni³na¹ chji¹-le⁴ ni¹ nca³yi³je³. A³li² to⁴c²oa⁴²cji³ chji¹-le⁴ t²a³ts²e⁴ je² cjoa⁴vi³jna³chon³ xi³ qui³ni²s²e³nqui³-na¹ nt²ai⁴-vi⁴ cao⁴ xi³ s²a⁴ nchja¹. ⁹Je² en¹-vi⁴ xi³ ña³qui³ c²oa⁴tjin¹, xi³ va³quin²-le⁴ nca³ chjo¹ve¹. ¹⁰Coi³ je²-vi⁴ ni²xa¹ntje². C²oa⁴-ti⁴ chja⁴a²-le⁴² cjoa⁴ñ²ain³ xi³ nchja⁴aon³-na¹, nca⁴ c²oa⁴-s²in² n²ion¹ cho³ya²-le⁴² Ni³na¹ xi³ ti¹jna³con³, xi³ ma³-le⁴ v²a³sje³ntjai² nca³ts²i³ cho⁴ta⁴, va³sen²ts²ia³-cjoan²ni³ xi³ ma³cjain¹-le⁴.

**Timoteo va¹ntia⁴²⁻
le⁴ cho⁴ta⁴-le⁴ Cristo**

11 T²e²nai²³, c²oa⁴ ta⁴co²yai³ coi³ cjoa⁴-vi⁴. 12 Ni⁴to^{4?}ya³-jin² xi³ taon³ ca²ta³ve³-li², nta³ tsa² xti³-sai³, to⁴nca³ c²oa⁴-s²in² tja³ntia⁴²⁻-lai⁴ je² cho⁴ta⁴ xi³ ma³cjain¹-le⁴ cao⁴ je² en¹-li⁴, cao⁴ jo³-s²in² mi³coai⁴ yao³-li⁴, cao⁴ jo³-s²in² tsjоa³chai³, cao⁴ espíritu-li⁴, cao⁴ jo³-s²in² nca³ ma³cjain¹-li², cao⁴ jo³-s²in² nca³ tsjai³. 13 C²ia⁴ nta³ nca³ cjo⁴choa³, c²oa⁴-s²in² t²e²xquiai⁴, t²e²nai²³, ta⁴co²yai³. 14 A³li² njion²-ta³con²jin²³ je² cjoa⁴tjaо² xi³ til¹jna³-li², xi³ tsa³c²ai²-li², jo³-s²in² tsa³cja³ya³ta³con²-li² c²ia⁴ nca³ cho⁴ta⁴jchi¹nca³-le⁴ cho⁴ta⁴-le⁴ Cristo tsa³ca¹son²-li² ntsja³. 15 Cho¹t²a³ya³coai⁴ je² cjoa⁴-vi⁴, to⁴coi³xa¹ t²iain⁴, jme¹-ni³ nca³ scoe⁴-si¹ni³ nca³ts²i³ jo³-s²in² nca³ ?mi³ti¹tjoin²³. 16 Ti⁴coi²ntai⁴ yao³-li⁴, c²oa⁴ ti⁴coi²ntai⁴ je² xi³ ti³va³co²yai³. Na³qui³ c²oa⁴-s²in² nta³ t²in³cao⁴-sai³. C²ia⁴ nca³ c²oa⁴n²iain²³ nca³yi³je³ je²-vi⁴, c²oa⁴s²in² coi²tjo⁴ntjai²³ nca³ ti⁴ji³-ni³, c²oa⁴-ti⁴ je² xi³ nch²oe¹-li².

**Cjoa⁴nta³ xi³ ma³chjen¹
xi³ t²a³ts²e⁴ xi³c²a³**

5 A³li² no²cjoa⁴ti³caо⁴-jin²³ cho⁴ta⁴jchi¹nca³, to⁴t²e²ne²-lai⁴ jo³-ni³ tsa² n²ai³-li⁴. Je² xi³ nqui³sa⁴ xti³ t²e²ne²-lai⁴ jo³-ni³ tsa² n²ai³. 2 Je² ya¹nchjin¹ jchi¹nca³ t²e²ne²-lai⁴ jo³-ni³ tsa² na⁴-li⁴, je² xti³ya¹nchjin¹ jo³-ni³ tsa² ti³chjai³ nca³ n²a³qui³ tsje³ ca²ta³mai³. 3 Jcha⁴xcoin¹³ ya¹nchjin¹ xi³ c²en³ x²in⁴-le⁴ xi³ n²a³qui³ c²an² cjoa⁴qui²xi⁴. 4 Ts²a² jnco³ ya¹nchjin¹c²an² xi³ tjin¹-le⁴ xti³ cao⁴

xti³ntai⁴, ti¹tjon²-cjoa²la² ca²ta³ma³-le⁴ xti³-ve⁴ nca³ ca²ta³ve³xcon¹ cho⁴ta⁴ni³?ya³-le⁴ jo³-s²in² nca³ ve³xcon¹ Ni³na¹, c²oa⁴ ca²ta³tsjоa¹ nca³jao³-le⁴ cjoa⁴tjaо²cha³ xi³jcha¹-le⁴. Je²-vi⁴ xi³ nta³ tjin¹ xi³ sa³sen¹-le⁴ Ni³na¹. 5 Je² xi³ chjon⁴²c²an² cjoa⁴qui²xi⁴ nca³ c²en³ x²in⁴-le⁴, c²oa⁴ xi³ to⁴je² ti¹jna³, je³ti¹co³ya³ t²a³ts²e⁴ Ni³na¹. C²oa⁴s²in² fi²cao⁴-sa³ nca³ si¹je¹ cjoa⁴nta³ nca³ v²e¹ts²oa³ ni⁴chjin³ cao⁴ ni⁴tjen⁴. 6 To⁴nca³ je² xi³ to⁴tsjоa¹nte³ qui³te³-le⁴ yao³-le⁴ xi³ cao⁴ cjoa⁴tsjоa³, nta³ tsa² ti¹jna³con³ nco³ya³-le⁴ ti¹jna³c²en³-ni¹. 7 C²oa⁴-s²in² t²e²nai²³ je² cjoa⁴-vi⁴, jme¹-ni³ nca³tsi² tsa² jme³ je¹ s²e⁴-ni³le⁴. 8 Tsa² jnco³ xi³tsi² tsa² si¹coi²nta⁴ xi¹ncjin¹, va³sen²ts²ia³cjoan²ni³ je² xi³ ts²e⁴ ni³ya³-le⁴, to⁴tsa³c²e²jna³?ma³cao⁴ cjoa⁴ xi³ coan³cjain¹-le⁴. To⁴nqui²sa⁴ ch²ao³ si¹c²e¹jna³ yao³-le⁴ cao⁴-ni³ xi³tsi² tsa² ma³cjain¹-le⁴. 9 Tja³ya³xqui⁴ t²a³ xon⁴ jo³-ni³ ya¹nchjin¹c²an² xi³ c²en³ x²in⁴-le⁴ to⁴je² xi³ je³jan²can³ no¹ tjin¹-le⁴, xi³ to⁴jnco³ x²in⁴ qui³s²e³-le⁴, 10 xi³ nta³ tsa²ya³-le⁴ xi³ to⁴t²a³ts²e⁴ xa¹-le⁴ xi³ nta³, tsa² qui³si³jcha¹ xti³, tsa² qui³si³sin³-le⁴ xi³ ja³ai³con³-le⁴, tsa² tsa³ca³ne¹jon³ ntso⁴co⁴ cho⁴ta⁴-le⁴ Cristo, tsa² tsa³qui³ncha²cao⁴ xi³ cjoa⁴va³ tjin¹-le⁴, tsa² c²oa⁴-s²in² nta³ qui³si³xa¹ nca³yi³je³ cjoa⁴. 11 To⁴nca³ je² ya¹nchjin¹c²an² xi³xti³-sa³ xi³ c²en³ x²in⁴-le⁴ a³li² ni²c²a³s²en³t²a³-jin²³ xon⁴. Tsa² cja⁴²ai¹-nca¹s²in² coa⁴tio²⁴-con³, co²ntran⁴-le⁴ Cristo coai⁴-ni³. Scan³-ni³ me³-le⁴ nca³ coi⁴xan³. 12 C²oa⁴-s²in² sa⁴co²-le⁴ cjoa⁴ñain³ nca⁴ li²coi³ qui³si³cji³tjo³son² xi³ coan³cjain¹-le⁴

nca³ ti¹tjon². **13** C²oa⁴²-ti⁴ ma³nca³-le⁴ nca³ ma³ts²e², to⁴v²e¹ma³son² ni³ya³ nca³ i⁴ nca³ jan¹. A³li² tsa² to⁴coi³-jin² nca³ v²e¹ma³ts²e², c²oa⁴-ti⁴ to⁴cjoa⁴sin³cjoa⁴-le⁴, to⁴ts²oa³ v²e¹ma³cao⁴. V²e¹ma³nchja⁴ xi³ ts²tsa² ma³chjen¹. **14** Coi³ xi³ me³-na³ nca³ je² xi³ ya¹nchjin¹c²an² xi³ xti³-sa³ xi³ c²en³ x²in⁴-le⁴, ca²ta³vi³xan³, ca²ta³s²e³-le⁴ xti³, ca²ta³va³te¹xo³ma³ ni³ya³-le⁴. A³li² tsjоa¹²nte³-jin²le⁴ co²ntran⁴-le⁴ nca³ ch²ao³ coi⁴tso⁴. **15** Je³tjin¹ c²a³ xi³ qui³si³c²o¹fa³ya³-ni³ Yao³-le⁴, xi³ qui³t²a³-le⁴ Satanás. **16** Tsa² jnco³ cho⁴ta⁴x²in⁴ a³xo⁴ chjon⁴² xi³ ma³cjain¹-le⁴, xi³ tjin¹ xi¹ncjin¹ xi³ ya¹nchjin¹c²an² xi³ c²en³ x²in⁴-le⁴, ca²ta³si¹coi²nta⁴, jme¹-ni³ nca³ ts²tsa² coan⁴ch²a¹ne²-si¹ni³le⁴ je² na⁴xi⁴na³nta¹-le⁴ Cristo, c²oa⁴ jme¹-ni³ nca³ s²e⁴-si¹ni³le⁴ xi³ ma³chjen¹-le⁴ je² xi³ ya¹nchjin¹c²an² cjoa⁴qui²xi⁴. **17** Je² cho⁴ta⁴jchi¹nca³ xi³ nta³ va³te¹xo³ma³ va³quin²-le⁴ nca³ can³-ni³ c²a³ ca²ta³yy²a³xcon¹, va³sen²ts²ia³-cjoan²ni³ xi³ tse³ xa¹ tjin¹-le⁴ nca³ nchja⁴ya³ nca³ va³co¹ya³. **18** Je² xon⁴ Escritura c²oi⁴tso²: A³li² n²o¹-jin² v²e²ai³ je² ncha⁴ja⁴nt²e¹ xi³ si¹c²a³tji³ trigove⁴. Cjai¹nca³ va³quin²-le⁴ nca³ je² xi³ si¹xa¹, ca²ta³ma³chji¹-le⁴. **19** A³li² ni²sin³-jin²³ xi³ va¹nqui³ cho⁴ta⁴jchi¹nca³, tsa² tsin³-le⁴ jao² jan² testigo xi³ si¹qui²xi⁴ya³ cjoa⁴. **20** Je² xi³ tjiо¹ma³jnqui³ je¹ ti⁴no²cjoa⁴ti³coai⁴ nqui³xcon⁴ nca³ts²i³, jme¹-ni³ nca³ xi³c²a³ c²oa⁴-s²in² coan⁴xcon¹-si¹ni³le⁴. **21** V²e³ne²³-le²³ nqui³xcon⁴ Ni³na¹ cao⁴ Nai³-na¹ Jesucristo cao⁴ a²ncje⁴ xi³ qui³tjoe¹jin³, nca³ t²e²jin³-ta³coin²³ nca³yi³je³ cjoa⁴-vi⁴.

Ni⁴jme³-jin² cjoa⁴ xi³ to⁴nqui³-ni³ c²oe¹nta³jin³, c²ia⁴ nca³ cje³ tsin² cjoa⁴qui²xi⁴. Ni⁴ya³-jin² cho⁴ta⁴ xi³ chja⁴a²jin³ nca³ si⁴sin³-lai⁴. **22** A³li²ya³ xi³ fa³son² nti⁴ton⁴-lai⁴ ntsai⁴, nca³ c²oai⁴-lai⁴ xa¹. A³li² ya⁴-jin² ni²jnco³coai⁴ je¹-le⁴ xi³ cja⁴ai¹. Nai³qui³ tsje³ ti⁴jnai³. **23** A³li² to⁴xquia⁴ na³nta¹-jin²yo³, to⁴nca³ ti⁴chjen¹ i⁴tsai¹³ vino xi³ t²a³ts²e⁴ nts²oai³ cao⁴ je² ch²in³ xi³ tjin¹ntsjai²-li². **24** Je² je¹-le⁴ c²a³ cho⁴ta⁴ tjiо¹son²tsen³-ni¹ ti¹tjon². C²oa⁴ je² xi³ cja⁴ai¹-s²in² cjoan³ li²coi³ coan⁴ coa⁴tio⁴ma³.

6 Je² nca³ts²i³ xi³ cho⁴nta³ ma³ ca²ta³ve³xcon¹ nai³-le⁴, jme¹-ni³ nca³ ts²tsa² coi⁴no²cjoa⁴aon³-ni³le⁴ jan³ain¹-le⁴ Nai³-na¹ cao⁴ je² cjoa⁴fa³ai³tsjen³-le⁴. **2** Je² xi³ tjin¹-le⁴ nai³ xi³ ma³cjain¹-le⁴ t²a³ts²e⁴ Cristo, a³li² to⁴cjoa⁴-jin² ve³con³, nca⁴ c²oa⁴²-ti⁴ nts²e⁴. To⁴sa³ nqui²sa⁴ nta³ ca²ta³si¹xa¹-le⁴ nca⁴ je² nai³-le⁴ cho⁴nta³-ve⁴ c²oa⁴-ti⁴ ma³cjain¹-le⁴ t²a³ts²e⁴ Cristo, c²oa⁴ tjaо²cha³ ma³ xi¹ncjin¹. Je² cjoa⁴-vi⁴ ta⁴co²yai³, c²oa⁴ t²e²nai²³.

Nta³ c²oe¹jnco³-ta³coan²
nca³ ya³xcoan¹ Ni³na¹

3Tsa² tjin¹ c²a³ xi³ cja⁴ai¹ tso² xi³ va³co¹ya³, xi³ ts²coi³ tji¹jnco³con³ t²a³ts²e⁴ je² en¹ xi³ nta³ xi³ ts²e⁴ Nai³-na¹ Jesucristo cao⁴ je² cjoa⁴fa³ai³tsjen³ jo³-s²in² nca³ ya³xcoan¹ Ni³na¹, **4**je² cho⁴ta⁴ ma³nc²a³con³-ni¹. Ni⁴jme³-jin² xi³ ma³-le⁴, to⁴cjoa⁴sca¹ tjin¹-le⁴ t²a³ts²e⁴ xi³ to⁴en¹ xi³

to⁴cjoa⁴cho⁴va²ti³ya³-ni³. Ya⁴ nčhoa¹-ni³ cjoa⁴xin²ta³con², cjoa⁴vi³xcan¹, en¹aon³, cao⁴ xi³ to⁴cjoa⁴tjao² va¹ne²-le⁴ cjoa⁴. 5 Ya⁴ nčhoa¹-ni³ xi³ ch²ao³-s²in² fao¹ti³ cho⁴ta⁴ xi³ je³chi³tsion³ya² cjoa⁴fa³ai³tsjen³-le⁴, xi³ tsin²-le⁴ cjoa⁴qui²xi⁴-jin², xi³ to⁴ve³xcon¹ Ni³na¹ t²a³ts²e⁴ xi³ njen³-le⁴. Chja⁴a²xin²-lai⁴ yao³-li⁴ xi³ c²oa⁴cjoan³. 6 Cjai¹nca³ to⁴tse³ coi⁴njen⁴-na¹ tsa² v²e²jnco³ta³coan² nca³ ya³xcoan¹ Ni³na¹. 7 Ni⁴to⁴jme³ jin² cjoa⁴ xi³ qui³tsin³coa⁴² i⁴ son³nte³. Nā³qui³ c²oa⁴-jin² tjin¹ nca³ ni⁴jme³-jin² xi³ coan⁴-na¹ ch²a⁴sje³². 8 Ts²a² tjin¹-na¹ xi³ chi³ne³² cao⁴ na³jño³ xi³ ch²a²cja¹, to⁴c²oa⁴-s²in² c²oe¹jnco³-ta³coan². 9 Je² xi³ me³-le⁴ nca³ coan⁴nchi⁴na¹ sca⁴jin³ xi³ ch²ao³ si⁴²cao⁴, c²oa⁴ sca⁴nqui³ tsa² chen⁴. Sca⁴jin³ cjoa⁴xin²ta³con², c²oa⁴ cjoa⁴sca¹ xi³ si¹qui²aon³, xi³ si¹cha³jin³ xi³ si¹cji³tsion¹ cho⁴ta⁴. 10 Je² xi³ si¹me³con³ taon⁴, ya⁴ nčhoa¹-ni³ nca³yi³je³ cjoa⁴ts²en⁴. Je² cho⁴ta⁴ xi³ coi³ si¹me³con³, xin² ntia⁴² qui³-le⁴ en¹ xi³ ma³cjain¹-na¹. A³li² to⁴c²oa⁴cji³ cjoa⁴so³ cjoa⁴ñ²ain³ tsa³cja³a¹.

Je² cjoa⁴jchan¹ xi³ nta³ t²a³ts²e⁴ xi³ ma³cjain¹-na¹

11 To⁴nca³ ji³, cho⁴ta⁴ xi³ ts²e⁴ Ni³na¹, ti⁴sen⁴xin²-lai⁴ cjoa⁴-vi⁴. C²oa⁴-s²in² t²in³coai⁴ yao³-li⁴ cao⁴ xi³ cjoa⁴qui²xi⁴, cao⁴ cjoa⁴xcon¹ta³con² t²a³ts²e⁴ Ni³na¹, cao⁴ xi³ nta³ ma³cjain¹-li², cao⁴ cjoa⁴tjao²cha³, cao⁴ cjoa⁴tse³ta³con², cao⁴ cjoa⁴i³nta³jin³ta³con². 12 Nta³ ti⁴xcan¹t²ai³ je² cjoa⁴jchan¹ xi³ nta³ t²a³ts²e⁴ xi³ ma³cjain¹-na¹.

Chjoai¹³ je² cjoa⁴vi³jna³chon³ xi³ nca³ntsjai², je² xi³ qui³no²cjoa⁴-ni³li² c²ia⁴ nca³ nta³ tsa³c²ai² cjoa⁴qui²xi⁴-li⁴ nqui³xcon⁴ ncjin² testigo. 13 C²oa⁴-s²in² v²e³ne²³-le²³ nqui³xcon⁴ Ni³na¹ xi³ tsjoa¹ntsjai²-le⁴ cjoa⁴vi³jna³chon³ nca³yi³je³, c²oa⁴ nqui³xcon⁴ Jesucristo xi³ nta³ qui³tsjao³ cjoa⁴qui²xi⁴-le⁴ nqui³xcon⁴ Poncio Pilato. 14 Nta³ ti⁴jna³coai⁴ je² cjoa⁴te¹xo³ma³-vi⁴, jme¹-ni³ nca³ tsi² jnti¹ coan⁴-si¹ni³, c²oa⁴ nca³ tsi² ch²ao³ coi⁴tjo³-si¹ni³ sa³nta³ nca³ coan⁴tsen³ nqui²ntia³-ni³ Nai³-na¹ Jesucristo. 15 C²ia⁴ nca³ cjoi⁴cho³ ni⁴čhjin³-le⁴, Ni³na¹ si⁴²c²a³tsen³ Cristo. Ni³na¹ to⁴je² xi³ c²oa⁴-s²in² n²ion¹ nta³ ti¹jna³, xi³ to⁴je² xi³ nc²a³ cjoa⁴te¹xo³ma³ tjin¹-le⁴, Cho⁴ta⁴ti¹tjon² xi³ ti¹tjon²-le⁴ nca³ts²i³ cho⁴ta⁴ti¹tjon², Nai³ xi³ ti¹tjon²-le⁴ nca³ts²i³ nai³. 16 To⁴je² Ni³na¹ xi³ ni⁴c²ia³-jin² m²en³. Ya⁴ ti¹jna³jin³ l¹i¹ xi³ tsi² tsa² ya³ xi³ coan⁴ cjoi⁴cho³. Je² xi³ ni⁴jnco³-jin² cho⁴ta⁴ tsa³ve³, ni⁴coan⁴-jin²le⁴ scoe⁴. Je² ca²ta³s²e³-le⁴ cjoa⁴je³ya³, ca²ta³s²e³-le⁴ cjoa⁴te¹xo³ma³ nca³ntsjai². C²oa⁴ ca²ta³ma³. 17 Je² cho⁴ta⁴nchi⁴na¹ xi³ tjin¹ son³nte³, t²e²ne²-lai⁴. A³li² nc²a³-ta³con²jin² ma³. A³li² si¹n²ion¹t²a³-ta³con²jin² je² cjoa⁴nchi⁴na¹-ve⁴ xi³ tsi² c²oa⁴tjin¹. Ca²ta³si¹n²ion¹t²a³con³ Ni³na¹ xi³ ti¹jna³con³, xi³ cjai¹nca³ tse³ tsjao¹-na¹ nca³yi³je³ tso³jmi², jme¹-ni³ nca³ s²e⁴-si¹ni³na¹ cjoa⁴tsjao³. 18 Je² cho⁴ta⁴nchi⁴na¹-ve⁴ cjoa⁴nta³ ca²ta³s²in¹, n²ion¹ tse³ cjoa⁴nta³ ca²ta³s²e³-le⁴, ca²ta³si¹tjao²cha³ xi³ yo⁴ma⁴, nca³ sin³ nca³ nta³ ca²ta³tsjao¹.

19 C[?]oa⁴-s[?]in² ca²ta³v[?]e¹xco¹ xi³
 ti⁴t²a³ts[?]e⁴-ni³ jo³-ni³ tsa² xi³
 ca²s[?]e³ntje² t²a³ts[?]e⁴ ni⁴chjin³ xi³
 cjoa⁴ai¹, jme¹-ni³ nca³ scoe¹-
 si¹ni³ cjoa⁴vi³jna³chon³ xi³
 nca³ntsjai². **20** Ji³-lai²³ Timoteo,
 nta³ ti⁴jna³coai⁴ je² xi³ qui³s[?]e³ne²-
 li². Ti⁴sen⁴xin²-lai⁴ na⁴jmi¹ xi³

to⁴cjoa⁴tjao², xi³ tsi²jme³ chji¹-
 le⁴ t²a³ts[?]e⁴ Ni³na¹, cao⁴ xi³
 cjoa⁴cho³va²ya³ti³-ni³ xi³ ts[?]e⁴
 cjoa⁴chji⁴ne⁴nti³so³. **21** Tjin¹ c²a³ xi³
 si¹qui²xi⁴ya³ coi³ cjoa⁴, to⁴nca³ xin²
 ntia⁴ qui³-le⁴ en¹ xi³ ma³cjain¹-
 na¹. Ca²ta³s[?]e³-li² cjoa⁴nta³. C[?]oa⁴
 ca²ta³ma³.